

# ამბროლაურის მთაშენი



ამბროლაურის  
მუნიციპალიტეტი

№3 (9886) ◆ მარტი, 2022 წელი ◆ ფასი 50 თეთრი ◆ გაზეთი გამოდის 1933 წლის 3 მაისიდან

## საქმის კეთების მოტივაცია არის

სამხარეო ადმინისტრაციაში, რეგიონის მასშტაბით სხვადასხვა სფეროში არსებული ვითარების გაცნობის მიზნით, გაიმართა გაფართოებული სამუშაო შეხვედრა, რომელზედაც რაჭა-ლეჩხუმი – სვანეთის მაჟორიტარმა დეპუტატმა გოჩა ენუქიძემ და სახელმწიფო რწმუნებულმა პაპუნა მარგველიძემ მხარეში შემავალი მუნიციპალიტეტების მერების, საკრებულოს თავმჯდომარეებისა და რეგიონული სამსახურების ხელმძღვანელებისაგან მოისმინეს ვრცელი ინფორმაციები საკურატორო სფეროებში არსებული სიტუაციის შესახებ, განიხილეს მიმდინარე პროექტები და იმსჯელეს ამ ეტაპისთვის არსებულ აქტუალურ საკითხებზე.



მუნიციპალიტეტებში მიმდინარე ინფრასტრუქტურული პროექტებზე მსჯელობისას ითქვა, რომ საქართველოს პრემიერ მინისტრის მიერ ინიცირებული „განახლებული რეგიონები“, აგრეთვე „საპილოტე რეგიონების ინტეგრირებული განვითარების“ პროგრამების ფარგლებში მიმდინარე სამუშაოები აქტიურ ფაზაშია, „სოფლის მხარდაჭერის პროგრამის ფარგლებში“ მოსახლეობის მიერ უკვე შერჩეული დასაფინანსებელი პროექტები და ახლა ტარდება ღონისძიებები, კლიმატური პირობების გათვალისწინებით, პროექტების დროულად დაწყებისა და ხარისხიანად შესრულების უზრუნველყოფად. ითქვა ისიც, რომ არ უნდა ვიყოთ სხვადასხვა ფონდებიდან დაფინანსების მოპოვებაზე ორიენტირებულნი. საჭიროა ახალი რესურსების მოძიება და ადგილობრივი შემოსავლების ისეთი დაგეგმვა, რომ შესაძლებელი გახდეს ახალი პროექტების ჩასმა-ჩანაცვლება. პროექტების დროულად და ხარისხიანად შესრულებაზე საუბრისას მისაღები წინადადება გააუქურა ამბროლაურის მერმა ზვიად მხეიძემ იმასთან დაკავშირებით რომ მთიანი რეგიონის სპეციფიკიდან გამომდინარე, დროის მოგების მიზნით, საკუთარი ძალებით მოხდეს პროექტირება. ამის შესაძლებლობა არის.



სტრატეგიაზე“, რომლის შემუშავებაც ადგილობრივი ახალგაზრდების ინტერესებისა და გამოწვევების მაქსიმალური გათვალისწინებით მიმდინარეობს.

ინფრასტრუქტურისა და არქიტექტურის სამსახურების ხელმძღვანელებმა დეტალური ინფორმაცია წარმოადგინეს პროექტების მიმდინარეობაზე. ისაუბრეს „სოფლის მხარდაჭერის პროგრამაზე“, რომლის ფარგლებშიც თითოეულ სოფელში „საერთო კრება“ ან კონსულტაცია ჩატარდა და განსახორციელებელი ინფრასტრუქტურული პროექტები ხმათა უმრავლესობით გადაწყდა. შესაბამისად სტრუქტურული ერთეულების წარმომადგენლებმა საკურატორო სფეროების მიხედვით კონკრეტული დავალებიც მიიღეს.

საგაზაფხულო სამუშაოების წარმართვაზე მსჯელობისას არ დაუფარავთ მუნიციპალიტეტების თავკაცებს, რომ ტექნიკის სიმცირის გამო წლებგანდელი სეზონი რთული იქნება. თუმცა ისიც ითქვა, რომ ხალხის ინტერესებიდან გამომდინარე, კლიმატური პირობების გათვალისწინებით და კერძო სექტორში არსებული ტექნიკის აღრიცხვა-ჩართვით შესაძლებელია ლოჯისტიკურად სიტუაციის დარეგულირება. გამოითქვა მოსაზრებაც, რომ შეიძლება გაკეთდეს ყოფილი „მექანიზატორის“ მსგავსი ტიპის მომსახურება.

შეხვედრაზე ყურადღების მიღმა არ დარჩენილა მინების რეგისტრაციის, მომრავლებულ ფაროსანასთან ბრძოლის და ვაროატოზით დაავადებული ფუტკრის გადარჩენის საკითხები. ასევე დასარეგულირებელია მოსახლეობისათვის საცხოვრებელი სახლების, საქმიანი ეზოებისა და სავარგულების შექმნა-შემოკავებისათვის საჭირო ხემსაღის ხელმისაწვდომობის საკითხი. მართალია ახალი კოდექსი ამის შესაძლებლობას იძლევა, მუნიციპალიტეტს შეუძლია განკარგოს საკუთრებაში მქონე ტყე, მაგრამ მაინც ბევრი რამ ამ კუთხით დასაზუსტებელია, მაგალითად რეგისტრაცია-გამიჯვნა, გატყვევებული ტერიტორიების ათვისება, სტიქიით დაზიანებული გზების, ხიდების აღდგენა და სხვა.

მოწონებულ იქნა დასაქმების ხელშეწყობის სახელმწიფო პროგრამის ფარგლებში საზოგადოებრივ სამუშაოებზე დასაქმების ხელშეწყობის ქვეპროგრამა, რომლის მიხედვითაც რეგიონის მუნიციპალიტეტების სხვადასხვა სამსახურებში გაჩნდა ვაკანსიები, მაგრამ ამ სახალხს ახლავს რისკებიც. თუმცა მიზნობრივი ჯგუფებისათვის გათვალისწინებულ ამ პროგრამას აქვს მხარდაჭერა და იმედია, გაამართლებს.

მსჯელობის მიღმა არ დარჩენილა საბავშვო ბალებში ინვეტირაციის დაწყებული შენობების დამთავრებული, სასწრაფოების, სასოფლო ამბულატორიების, ნაპირსამაგრების, განათლებისა თუ სხვა სფეროებში არსებული პრობლემები, დაისახა მათი დაძლევის გზები და დაევალით კიდევ ადგილობრივ თვითმმართველობებს საკრებულოების წევრებთან და მერების წარმომადგენლებთან ერთად იღვანონ საერთო საქმიანობის, რომლის მზაობა არის და რისთვისაც რიგი სამსახურების ხელმძღვანელებმა მადლობაც დაიმსახურეს.

სახელმწიფო რწმუნებულის პაპუნა მარგველიძისა და პარლამენტარ გოჩა ენუქიძის განცხადებით რეგიონში საქმე კეთდება, კიდევ უფრო მეტის გასაკეთებლად მოტივაცია არის, იგრძნობა ერთმანეთისადმი მხარში დგომა. ე.ი. რესურსი არის და შევძლებთ გუნდურად ჩვენი წვლილის დადებას მხარისა და ქვეყნის წინსვლის საქმეში.

**ამბროლაურის მუნიციპალიტეტის მერიაში**, სტრუქტურული ერთეულების წარმომადგენლებთან, მორიგი სამუშაო შეხვედრა გაიმართა, რომელსაც მუნიციპალიტეტის მერი ზვიად მხეიძე ხელმძღვანელობდა.

თათბირზე, მიმდინარე პერიოდში, სხვადასხვა სფეროში განხორციელებული სამუშაოები განიხილეს და დაგეგმილ აქტივობებზე იმსჯელეს. ყურადღება გამახვილდა სოციალურად დაუცველი პირების, საზოგადოებრივ სამუშაოებზე დასაქმების მასშტაბურ პროგრამაზე, რომლის ფარგლებშიც ამბროლაურის მუნიციპალიტეტში 109 ვაკანსია გამოცხადებული.

თათბირზე ასევე იმსჯელეს სოციალურ და ჯანდაცვის პროგრამებზე, განათლებისა და კულტურის სფეროებში არსებულ სახალხებზე, ახალგაზრდული მიმართულებით განსახორციელებელ აქტივობებზე, მათ შორის „ახალგაზრდობის განვითარების



„საპილოტე რეგიონების ინტეგრირებული განვითარების პროგრამის“ ფარგლებში, ქალაქ ამბროლაურში, მდ. კრისულას სანაპიროს კეთილმოწყობის სამუშაოები აქტიურ რეჟიმში მიმდინარეობს. მიმდინარე სამუშაოებში მონაწილეობს საქართველოს რეგიონული განვითარებისა და ინფრასტრუქტურის მინისტრის მოადგილე მზია გიორგობიანი, რაჭა-ლეჩხუმი ქვემო სვანეთის სახელმწიფო რწმუნებულთან პაპუნა მარგველიძესთან და მუნიციპალიტეტის მერთან ზვიად მხეიძესთან ერთად გაეცნო. მკითხველს შევასხენებთ, რომ პროექტის ჯამური ღირებულება 4 553 234 ლარს შეადგენს და მისი დასრულება 2022 წლის ოქტომბერში იგეგმება.

## უკრაინელი ხალხსათვის!



პრემიერ მინისტრის გადანაცვლებით, რეგიონების სახელმწიფო რწმუნებულებისა და მთავრობის რეგიონებთან ურთიერთობის დეპარტამენტის ჩართულობით ქვეყნის მასშტაბით უკრაინელი ხალხის მხარდაჭერი ღონისძიებები, ჰუმანიტარული ტვირთის შეგროვება და საბანკო აღარიმებზე თანხის ჩარიცხვა გრძელდება. პროცესში პირველი დღეებიდანვე აქტიურად არიან ჩართულები, რაჭა-ლეჩხუმისა და სვანეთის მაჟორიტარი დეპუტატი გოჩა ენუქიძე, სახელმწიფო რწმუნებული პაპუნა მარგველიძე, რეგიონის ყველა ადგილობრივი თვითმმართველობა, კერძო და სამოქალაქო სექტორის წარმომადგენლები.

რეგიონის მუნიციპალიტეტების – ამბროლაურის, ონის, ცაგერის, ლენტეხის მერების, ასევე კერძო და სამოქალაქო სექტორის ერთობლივი ძალისხმევით, პირველადი მოხმარების ნივთებისა და საკვები პროდუქტების შექმნა უკვე განხორციელდა და გადატანილი იქნა დასავლეთის პუნქტში.

მხარეში სახელმწიფო რწმუნებულის განცხადებით, ჩვენი მეგობარი, უკრაინელი ხალხის დასახმარებლად, შეგროვებულია 5 ტონაზე მეტი ჰუმანიტარული ტვირთი, რომელშიც შედის არამალფუჭადი პროდუქტები, პირველადი მოხმარების საგნები, სამედიცინო ნივთები და მედიკამენტები. ტვირთი უკვე გადატანილი-გადაგზავნილია და ტვირთის შეგროვება კვლავაც გაგრძელდება. უკრაინელი ხალხის მხარდაჭერი ღონისძიებები გრძელდება.

გახსნილია საბანკო ანგარიში: GE26BG000000533612474 საქართველოს ბანკი ფონდი „გადავარჩინოთ უკრაინა“







\*\*\*

გაიმართა ამბროლაურის მუნიციპალიტეტის საკრებულოს მერვე, რიგგარეშე სხდომა, რომელსაც თავმჯდომარეობდა ამბროლაურის მუნიციპალიტეტის საკრებულოს თავმჯდომარე

ასლან საგანელიძე და ესწრებოდნენ ამბროლაურის მუნიციპალიტეტის ვიცე მერი დავით გოგლიძე, მერიის სტრუქტურული ერთეულების ხელმძღვანელები და ადგილობრივი გაზე-

თის რედაქტორი, დაამტკიცა: ამბროლაურის მუნიციპალიტეტის მერიასა და შპს „ორიენტი“-ს (ს/კ 221297674) შორის „სოფ. სადმელში შიდა სასოფლო გზის რეაბილიტაციის სამუშაოებზე“ 2022 წლის 28 თებერვალს დადებული სახელმწიფო შესყიდვის შესახებ №35 ხელშეკრულება. იმსჯელა ამბროლაურის მუნიციპალიტეტის საკუთრებაში არსებული უძრავი ქონების (ს/კ №86.19.23.026) არასასოფლო-სამეურნეო დანიშნულების მიწის ნაკვეთის სახელმწიფო საკუთრებაში უსასყიდლოდ გადაცემის შესახებ და ცვლილებები შეიტანა ამბროლაურის მუნიციპალიტეტის საკრებულოს 2017 წლის №01 და №22 დადგენილებებში.

სხდომამ განიხილა აგრეთვე მუნიციპალიტეტების მიერ დაფუძნებული არასამეწარმეო (არაკომერციული) იურიდიული პირების მართვის ეფექტიანობის

აუდიტის ანგარიში.

საკრებულომ შესაბამისად მიიღო დღის წესრიგით გათვალისწინებული ყველა განკარგულებისა და დადგენილების პროექტი.

\*\*\*

ამბროლაურის მუნიციპალიტეტის მეორე მოწვევის საკრებულოს მე-9 რიგგარეშე სხდომამ განიხილა საკითხი „ამბროლაურის მუნიციპალიტეტის საკუთრებაში არსებული ქ. ამბროლაურში გურგენიძის ქ. №10-ში მდებარე უძრავი ქონების (ს/კ 86.19.23.005) სახელმწიფოსათვის უსასყიდლოდ საკუთრებაში გადაცემის შესახებ“, ცვლილება შეიტანა მუნიციპალიტეტის საკრებულოს 2017 წლის №20, 2021 წლის №99 და 2017 წლის №21 განკარგულებებში.

\*\*\*

რეგიონში ჯანდაცვის სისტემის გაძლიერების მიზნით რაჭა-ლეჩხუმისა და ქვემო სვანეთის სახელმწიფო რწმუნებულმა – პაპუნა მარგველიძემ, რეგიონში შემავალი მუნიციპალიტეტების მერებთან და რეგიონალური ჯანდაცვის ცენტრის ხელმძღვანელებთან შეხვედრა გამართა განხილულ იქნა ჯანდაცვის კუთხით არსებული გამოწვევები და ამ მხრივ გასატარებელი ღონისძიებები.

სამუშაო შეხვედრაზე რომელსაც ესწრებოდნენ სს „საჩხერის რაიონული საავადმყოფო-პოლიკლინიკური გაერთიანება“-ს ხელმძღვანელი პირებიც გაჟღერდა სასიამოვნო ინფორმაცია. კერძოდ. მათი მხრიდან გამოითქვა მზაობა, რეგიონში გააძლიერონ ჯანდაცვის კუთხით არსებული სიტუაცია და ორმხრივი ურთიერთ თანამშრომლობის საფუძველზე გახსნან პირველადი გადაუდებელი დახმარების ცენტრი. აგრეთვე იმსჯელეს დიალიზის ცენტრის აუცილებლობაზე რეგიონში და ამ მხრივ გასატარებელ საჭირო ღონისძიებებზე.

სახელმწიფო რწმუნებულმა პაპუნა მარგველიძემ აღნიშნა, რომ უმნიშვნელოვანესია რეგიონისათვის, როგორც გადაუდებელი ცენტრის, ისე დიალიზის ცენტრის არსებობის საკითხი, მან კიდევ ერთხელ განმარტა, თუ რამდენად დიდ სირთულეებთან არის დაკავშირებული იმ პაციენტების მდგომარეობა, რომლებიც საჭიროებენ დიალიზის პროცედურას და მადლობა გადაუხადა სს „საჩხერის რაიონული საავადმყოფო-პოლიკლინიკური გაერთიანება“-ს ხელმძღვანელობას აღნიშნული ინიციატივისათვის და გამოთქვა მზაობა სამომავლო ურთიერთთანამშრომლობისთვის.

როგორც სახელმწიფო რწმუნებულმა აღნიშნა, ჯანდაცვის კუთხით არსებული პრობლემების აღმოსაფხვრელად მუშაობა უკვე დაწყებულია.

\*\*\*

რეგიონში სახელმწიფო რწმუნებულმა პაპუნა მარგველიძემ დეპუტატთან გოჩა ენუქიძესთან და ამბროლაურის მუნიციპალიტეტის მერთან – ზვიად მხეიძესთან ერთად დაათვალიერა ქ. ამბროლაურში მდებარე სამკურვლო სანარმო „რაჭა 2020“, რომელიც ამბროლაურის მუნიციპალიტეტში გასული წლის მაისიდან ფუნქციონირებს და იკერება სპეცდანიშნულების ტანსაცმელი.

სამკურვლოში 10-მდე ადგილობრივი ქალბატონია დასაქმებული, თუმცა შესაბამისი კადრების არსებობის შემთხვევაში სანარმოს შესაძლებლობა აქვს 50-მდე ადამიანი დასაქმოს.



### „მზის შვილები“

გაეროს ეგიდით 2011 წლიდან აღინიშნება დაუნის სინდრომის მქონე ბავშვთა მსოფლიო დღე. თარიღი – 21 მარტი სიმბოლოურადაა შერჩეული, დაუნის სინდრომი 21-ე ქრომოსომას გასამებით ვლინდება.

რაჭა-ლეჩხუმ სვანეთის მაჟორიტარმა დეპუტატმა გოჩა ენუქიძემ, სახელმწიფო რწმუნებულმა პაპუნა მარგველიძემ, ამბროლაურის მუნიციპალიტეტის მერმა ზვიად მხეიძემ და საკრებულოს თავმჯდომარემ ასლან საგანელიძემ „მზის შვილები“ ე.ი. დაუნის სინდრომის მქონე პირები მოინახულეს და სიმბოლური საჩუქრები გადასცეს.

აღსანიშნავია, რომ შუშმ პირთა მხარდაჭერის მიზნით ამბროლაურის მუნიციპალიტეტში სხვადასხვა სახის ღონისძიებები ხორციელდება. გასული წლის 14 ივნისს, სოფელ სადმელში გაიხსნა სოციალური ინკლუზიის ცენტრი, რაც 18 წლამდე ასაკის და 18 წელს ზემოთ მყოფ ბენეფიციარებს შესაძლებლობას აძლევთ ჰქონდეთ ადაპტირებული გარემო, სადაც ექნებათ დამოუკიდებლად და შეუზღუდავად გადაადგილების, დასვენებისა და განვითარების შესაძლებლობა. შუშმ პირთა ხელშეწყობისთვის მუნიციპალიტეტში მნიშვნელოვანი სოციალური პროგრამებიც ხორციელდება.



თვალის მიკროქირურგიის ჯავრიშვილის კლინიკა – „ოფთალმიჯის“ ინიციატივითა და ამბროლაურის მუნიციპალიტეტის ხელშეწყობით, ზვანჭყარის ამბულატორიაში ადგილობრივი მოსახლეობისთვის უფასო ოფთალმოლოგიური კონსულტაციები ჩატარდა. აქციის ფარგლებში მუნიციპალიტეტში ექიმი-ოფთალმოლოგი სოფიო იმედაშვილი, ექიმის ასისტენტი სოფო ჭავჭავაძე და კლინიკის რეგიონული მენეჯერი ელისო მეცხვარიშვილი იმყოფებოდნენ. მოწვეულმა ექიმმა-ოფთალმოლოგმა კონსულტაცია გაუწია 40-მდე პაციენტს, რომელთაც სხვადასხვა სახის ოფთალმოლოგიური პრობლემები აღნიშნუბოდათ.

### სოფლებში პრიორიტეტული შიკრიკი

25 თებერვლიდან 5 მარტის ჩათვლით ამბროლაურის მუნიციპალიტეტის ხელმძღვანელი პირები მოადგილეებთან და სამუშაო ჯგუფის სხვა წევრებთან ერთად, მუნიციპალიტეტში შემავალ ყველა სოფელში იმყოფებოდნენ და ადგილობრივებთან „სოფლის მხარდაჭერის პროგრამის“ ფარგლებში განსახორციელებელ პროექტებთან დაკავშირებით კონსულტაციები გამართეს.

სოფლების დიდ ნაწილში პრიორიტეტულად გარე განათების მოწყობა, შიდა გზების რეაბილიტაცია, წყალსადენი სისტემების მოწესრიგება, სანიაღვრე არხების გაკეთება და კონკრეტული სოფლისთვის მნიშვნელოვანი სხვა მიმართულებები

შეირჩა. სოფლის მხარდაჭერის პროგრამის ფარგლებში მუნიციპალიტეტის თითოეულ სოფელში დაფინანსდება 10-დან 16 ათას ლარამდე ღირებულების მცირე ინფრასტრუქტურული პროექტები.

მუნიციპალიტეტის მერის ზვიად მხეიძის განმარტებით მნიშვნელოვანია, რომ განსახორციელებელი პროექტების პრიორიტეტულობას მოსახლეობა თავად განსაზღვრავს. შესაბამისად, ეს პროგრამა ხელს უწყობს მოქალაქეთა ჩართულობის გაზრდას მათი სოფლისთვის მნიშვნელოვანი საკითხების მოგვარებასა და თემის პრიორიტეტების შერჩევას.





„უცხო იქნა ქმისტე, ბეთ იმითისო, ჯეიხურე ჯენი სმუანო“

გაზაფხული

სიცოცხლის განახლებასთან ასოცირებული ნელინადის ეს დრო უკვე შემობრძანდა. ამბობენ გაზაფხული ბედნიერი ქალის შინაგანი სამყაროს მსგავსია და ალბათ ამიტომაცაა მისი პირველი თვე ქალთა დღესასწაულებით დატვირთული. 3 მარტი – დედის დღე, 8 მარტი – ქალთა საერთაშორისო დღე... ე.ი. დადგა სიყვარულისა და ბედნიერების პერიოდი, ზღაპრული სილამაზის, ამწვანებული, ფერნერული ტილოსავით, რომ დაეფინება დედამიწას.

ძვირფასო ქალბატონებო, თქვენ ჩვენი მუნიციპალიტეტის მოსახლეობის უმეტესობას წარმოადგენთ. გილოცავთ და გისურვებთ სულის გაზაფხულისამებრ ბედნიერებას, სიყვარულს, სიბოძს, ღმირს, ხალისიან განწყობილებას, შვილთა სიმრავლეს, მშვიდობას.

მხარეში სახელმწიფო რწმუნებულმა პაპუნა მარგველიძემ, პარლამენტარმა გონა ენუქიძემ, მუნიციპალიტეტის საკრებულოს თავჯდომარემ ასლან საგანელიძემ, მერმა ზვიად მხეიძემ და სხვა ხელმძღვანელმა პირებმა რთული ეპიდემიოლოგიური ვითარების მიუხედავად მაინც შეძლეს უმრავლესობასთან პირისპირ შეხვედრა, სოციალური ქსელით მოსაღებმა-დალოცვა შემდეგი სიტყვებით:

ძვირფასო ქალბატონებო, ღვთისშობლის კალთა გადაფარებული გველოთ ამაყად, თქვენი შვილების, ოჯახებისა და სრულიად საქართველოს სამშენებლად.

გილოცავთ დედისა და ქალთა საერთაშორისო დღეებს გისურვებთ მრავალი გაზაფხულისთვის გემასპინძლოთ მშვიდობიანი ცის ქვეშ.

გილოცავთ!

მთავარი სინდისი გონდას სუფთა

ნებისმიერ ადამიანს ცხოვრებაში დრო, რაღაც დასრულებამდე ათვლილი აქვს. ამიტომ ჯერ კიდევ ვერაინ დაადგინა ადამიანები ქმნიან დროს თუ დრო ქმნის ადამიანს. მთავარია, როგორ ვასრულებთ იმ დავალებას რასაც სასიკეთო საქმის კეთება ჰქვია. არა აქვს მნიშვნელობა დიდა თუ პატარა, რეზონანსული თუ ჩუმი. მთავარია, რის კეთების უნარიც დაგანათლა უფალმა იყოს სასარგებლო, სწორად წარმართული და როგორც ირგვლივ მყოფებთან ისე ქვეყნის წინაშე სინდისი გქონდეს სუფთა.

ქალისთვის უპირველესად ესაა ოჯახი, შვილების სწორად აღზრდა და თუ საზოგადოებრივ საქმიანობასაც ღირსეულად უმკლავდები, მთლად კარგია. საბედნიეროდ, შემდგარი ქალები საკმაოდ გვყავს მუნიციპალიტეტში, მაგრამ ისეთებიც, რომლებიც, ერთი შეხედვით უბრალონი, ჩვეულებრივ რიგითები, მაგრამ საზოგადოებაში თავიანთი ცხოვრების წესით მისაბაძი და დაფასებულნი. ამჯერად ორი ასეთი ქალბატონი მინდა წარმოგიდგინოთ: **გუგულა ჩაკვეტაძე-ტაბუცაძე** და **ლამარა ცხვირაშვილი-გვენცაძე**.

პირველი რძალაა ამბროლაურელების. წარმოშობით ხონიდან. დღეს სოფელ გორის მკვიდრი, ხოლო მეორე ჩვენებურია, პირველი ტოლიდან, ოღონდ ჩორჯოში დამკვიდრებული.

ქალბატონი გუგულა მედიცინის მუშაკია, წყალტუბოს ერთერთი სანატორიუმის მონაწილე მედამ, როცა ცხოვრება ბატონ ოთარ ტაბუცაძეს დაუკავშირა, არც უფიქრია ქალაქისაკენ განევა, დამკვიდრდა აქ 54 წელიწადი იმუშავა ამბროლაურის საავადმყოფოში. როგორც კვალიფიციურ სპეციალისტს, პუნქტუალურ, სანდოს და ერთგულ ადამიანს დაფასება და სიყვარული არ მოკლებია უფროსებისაგან,

კოლეგებისაგან და იმ უამრავ პაციენტებისაგან, რომლებსაც მისი ხელი შეხებია.

ქალბატონი ლამარა არაერთხელ მოხვედრილა ჩვენი გაზეთის ფურცლებზე როგორც საკოლმეურნეო საქმიანობის აქტიური მონაწილე და მონაწილე მეაბრეშუმე. თუმცა მისი ჰობი ბავშობიდანვე კერვა იყო და ჩორჯოლების რძალი უამრავ სხვა საქმესთან ერთად მაინც ასწრებდა ოჯახის სწორად გაძღვლასა და გასათხოვარი გოგონების საკუთარი ესკიზებით შექმნილი ნამუშევრებით შემოსვას.

ორივე ქალბატონს სხვადასხვა დროსა და ადგილზე დასმულ კითხვაზე თუ რა არის ოჯახური ბედნიერების საყრდენი პასუხი ერთნაირი აღმოაჩნდა. ოჯახური ბედნიერების საყრდენი არის სწორი ზნეობრივი ურთიერთობა ქმარსა და ცოლს შორის, რომელიც გულისხმობს ერთმანეთის სიყვარულსა და ერთგულებას, რასაც აუცილებლად ხედავენ შვილები და როცა დედა კიდევ უფრო ზრდის მათში, თავისი ცხოვრების წესით, პასუხისმგებლობის გრძობას მაშინ შვილებსაც უჩნდებათ სურვილი, რომ თვითონაც ასეთივენი იყვნენ მშობლების, ერთმანეთის და საზოგადოების მიმართ.

ასეთი მორალით იცხოვრეს ამ ქალბატონებმა გუგულამ უკვე 89 წელი, ლამარამ 91 წელი. ია-ვარდებით მოფენილი არ ყოფილა მათი ცხოვრება, იყო სიმწველებიც, მაგრამ მოთმინებამ და სულიერმა სიძლიერემ ბევრი რამ შეაძლებინათ. ბედიც თითქოს მსგავსი აქვთ. ორივემ დაკარგეს ცხოვრების მეგზური და რაც ყველაზე ძნელი და მტკივნეულია მათთვის შეილმკვდარი დედები ჰქვიათ.

მაინც ღირსეულად მიიღეს ჩვენგან დედისა და ქალთა დღეების მილოცვა. ქალბატონებო!

დ. ღარბაიძე



ტონმა გუგულამ შვილიშვილის – ნანას გარემოცვაში, ხოლო ლამარამ გარდაცვლილი ქალიშვილისა და ვაჟის შთამომავლებთან ერთად... მათით ხარობენ, მათ ბედნიერებას შესთხოვენ უფალს და მშვიდობას სრულიად საქართველოს. ღმერთმა გისმინოთ ქალბატონებო!

თანდგომის დიდი ძეგლი

სოფელ ლიხეთში მცხოვრებ ხუთი შვილის დედას – ირმა ტოროშელიძეს ხანძარმა საცხოვრებელი სახლი მთლიანად გაუანადგურა. მისი ტკივილი თანასოფლელებთან ერთად მუნიციპალიტეტის მოსახლეობამ გაითავისა. პირველივე წუთებიდან პრობლემის ადგილზე გაცნობით, თანადგომა და მხარდაჭერა ალუთქვა სახელმწიფო რწმუნებულმა პაპუნა მარგველიძემ, საკრებულოს თავჯდომარემ ასლან საგანელიძემ, მუნიციპალიტეტის მერმა ზვიად მხეიძემ და სხვა ხელმძღვანელმა პირებმა და პირველადი საჭიროების ნივთებიც გადასცეს. მუნიციპალიტეტის მერია ხანძრით დაზარალებულ ოჯახს სოციალური პროგრამის ფარგლებში გაუნეეს დახმარებას. მოქალაქეთა მხრიდანაც დიდი მხარდა აქვია და თიბისი ბანკში უფროსი ვაჟის – ბექა ტოროშელიძის სახელზე ანგარიშიც გაიხსნა. კეთილად ადამიანებო შეგახსენებთ ანგარიშის ნომრებს: ლარში – GE73TB76389360801000009;

დოლარში – GE42TB76389361801000001

ჩვენც ამბროლაურის მოამბელები შევეცადეთ მოკრძალებულად, შესაძლებლობის ფარგლებში, გამოგვეხატა თანადგომა და ამავდროულად მიგველოცა დედის და ქალთა საერთაშორისო დღეები დაზარალებული დედისადმი: გამაგრდით ქალბატონო ირმა კეთილი ადამიანები გიდგანან მხარში. თქვენ გაძლიერებთ ისიც, რომ 5 შვილის დედა ხართ. ბექა და ბაქარი უკვე გეხიდეებიან უმცროსების ბაკურის, ბაჩოსა და მარიამის დაკვალ იანებაში. ისინი ჯერ მოსწავლეები არიან და მზრუნველობა არც ლიხეთის საჯარო სკოლის პედაგოგებისაგან მოაკლდებათ. გვეჯერა, თქვენი შვილები საზოგადოების გვერდში დგომას დაინახვენ და დაფასებენ თავიანთი სწორი ქმედებით. რაც მთავარია და საამაყო, თქვენებურებმა გვითხრეს: მშრომელი, პატიოსანი ოჯახიაო. ამ შეფასებაზე მეტი ჯილდო რა უნდა იყოს. ოღონდ გამართლება უნდა. თქვენი ყველა დარდი გაჰყოლოდეს იმ ფერფლს, რომელსაც დღეებია ცდილობთ თვალი აარიდოთ. ამიერიდან თქვენი შვილებით გახარებულს გველოთ ამქვეყნაზე. უფალს ებარებოდეთ.

ამბროლაურის მოამბეობა!

მოგესალმებით ისრაელში გამოძავალი ქართულენოვანი გაზეთებიდან კოლეგები. გილოცავთ ურნალისტიკის დღეს, გაზაფხულის შემობრძანებას ქალთა ლამაზი დღესასწაულებით. გთხოვთ მიანდინოთ ჩვენი მილოცვა და სიყვარული მონატრებულ რაჭველებს, გამორჩეულად მაინც ქალბატონებს. ამავდროულად დიდი მადლობა თქვენ, რომ არსებობთ და არ იფიქრებთ ონში ჯერ კიდევ შემორჩენილ ებრაელებს. ჩვენ არ გვაინყვებთ, ვიცით თქვენც გასოვართ. და გვეჯერა ასე იქნება მარადყვამს. თქვენებურები, დიდი მონატრებით, ბერ-შევიდან

გადლობა უპრეცედენტო ხალხის სხელოში

არ ვარ თქვენთვის უცხო. ათეული წლებია თქვენს გვერდით ვცხოვრობ და ამისათვის არაერთხელ ამიხსნია თქვენთვის სიყვარული. მე, ეროვნებით უკრაინელი ქალი თქვენთან ვთვლი თავს და ამიტომაც მალევეს ერთნაირად ორივე სამშობლოს ბედი. ჩემი ფესვები მაინც ხომ უკრაინაშია, სადაც ჩემი სისხლი და ხორცი (ცხოვრობენ და ამდენად გამიგებთ იქ შექმნილი სიტუაციით რა მდგომარეობაში ვიმყოფები. ვგრძნობ, ვხედავ თქვენს თანადგომას, უკრაინელი ხალხისადმი სრულიად საქართველოს მხარდაჭერას. უკრაინელი ხალხის, საქართველოში მცხოვრები ჩემი თანამემამულეების სახელით, გიხდით მადლობას რიგით ამბროლაურელს, სამხარეო ადმინისტრაციის, ადგილობრივი თვითმმართველობის ხელმძღვანელ პირებს, სამსახურების თანამშრომლებს, მაჟორიტარ დეპუტატს, მის ბიუროს... ყველას, ყველას დიდი მადლობა. ვლოცულობ მშვიდობისათვის და ერთნაირად ვვედრები ღმერთს დაიცვას ჩემი ორი სამშობლო. მშვიდობიანი ცის ქვეშ ცხოვრებას და შვილების ბედნიერებას ვუსურვებ ქალბატონებს. ერთხელ კიდევ დიდი მადლობა, უფალი ფარავდეს თქვენს ოჯახებს, უკრაინასა და საქართველოს!

პატივისცემით ნინა პინარევა

უშიშის სარეჟისო-მილოცვა დედას

კარგია, რომ ტექნიკურმა პროგრესმა ქალი ოჯახიდან გამოიყვანა და თავის დამკვიდრების საშუალება მისცა, მაგრამ დამფიქრებელია, რომ პრაქტიკიზმმა დაარღვია მისი ფაქიზი ქალური ბუნება. თანამედროვე ქალმა დაკარგა კდემამოსილება, სისადავე, გაუნელდა შვილების ყოლისადა მათი აღზრდის სურვილი. არადა ქალის უპირველესი დანიშნულება ხომ დედობაა. განგებამ სიცოცხლის გამგრძელების ფუნქცია როდის დააკისრა. მას – ქალს, როგორც მეუღლეს, დედას, მოღვაწეს არამედ იერარქიის დაცვის პარარელურად ოჯახის წევრთა სულიერ კიბეზე ამაღლების მეგზურობაც. ოჯახისა, სადაც ყალიბდება ბავშვის ფსიქიკა, სადაც ეზიარება რწმენას, სიყვარულს და ყალიბდება პიროვნულად.

მადლობა უფალს, რომ ჩვენს ქვეყანას და შესაბამისად, მუნიციპალიტეტსაც ჯერ კიდევ მრავლად ჰყავს ასეთი ოჯახები. ერთ-ერთ იმთავანად მიგვაჩნია სოფელ ლვიარაში მარინა და გია ჯოხაძეების სიყვარულით შექმნილი ქრისტიანული ოჯახი. აქტიურ საზოგადოებრივ საქმიანობასთან ერთად, პროფესიით პედაგოგი და ექიმი, 3 ვაჟყავს უზრდინ ქვეყანას. სამივე გამორჩეულნი და მისაბაძნი



სოფელშიც, სკოლაშიც ზრდილობით, შრომის მოყვარეობით, ნიჭიერებით.

დემეტრემ უკვე მიიღო უმაღლესი განათლება საერთაშორისო ეკონომიკის განხრით და მუშაობს კიდევ. ცოტნე წარჩინებული სტუდენტია, ხოლო ერეკლე არაერთ კონკურსში გამარჯვებული, ქალაქის პირველი საჯარო სკოლის მე-12 კლასის გამორჩეული მოსწავლეა, სწავლითაც, მეგობრობითაც, უფროსებისადმი პატივისცემითაც.

ახლახანს მან მშობლებს, გამორჩეულად დედას განსაკუთრებული საჩუქარი გაუკეთა დედისა და ქალთა საერთაშორისო დღეების აღსანიშნავად. იგი მე-11 სასკოლო სეზონის ხალხის რჩეულია და გამარჯვებულ გუნდით ან

ერთად კემბრიჯის საზაფხულო სკოლაში გაემგზავრება.

დედისათვის, სხეულით რომ გრძნობს შვილების სულიერ თუ ხორციელ სატკივარს, ბოლომდე რომ იხარჯება იმისათვის, რომ სწორად განსაზღვროს მათი ცხოვრების გზა, იმაზე დიდი ბედნიერება რამ უნდა მიაჩნდეს თუ არა შვილების წარმატებამ და აღიარებამ.

მარინა ველაძე-ჯოხაძეს ახარებენ, ღირსეული მამულიშვილების სახელების მატარებელი, შვილები: დემეტრე, ცოტნე, ერეკლე. ვუერთ დებით მათ მილოცვას და ჩვენც გილოცავთ გაზაფხულის შემობრძანებას მანდილოსანთა დღესასწაულებით. თქვენთან ერთად იმ უბნის ქალბატონებს, სადაც სრულიად ახალგაზრდა წარგადგინა გიამ და დაფუძნდა, მუნიციპალიტეტის საჯარო სკოლების პედაგოგებს, ყველა ქალს განურჩევლად ასაკისა. ამავდროულად მადლობას ვუბნებით ერეკლეს კარგი შვილობისათვის და იმისთვის რომ ასახელა არამარტო მშობლიური სკოლა, არამედ მთელი მუნიციპალიტეტი, რომლის მოსახლეობა, განსაკუთრებით თანატოლები გულმხურვალედ რომ გულშემატკივრობდნენ მის გუნდს, როცა ისინი ტელეეკრანიდან ეპაექრებოდნენ ცოდნის გამოვლენაში მათსავით ნიჭიერ ახალგაზრდებს.

ნ. დალაქიშვილი



# სურისხუდი სეზონი იწყება – სენსორი მხარე

ტურიზმს მნიშვნელოვანი როლი აკისრია, როგორც ქვეყნის ეკონომიკური მაჩვენებლების, ისე მოსახლეობის სოციალური მდგომარეობის გაუმჯობესებაში. შესაბამისად ამ კუთხით სერიოზული ღონისძიებები ხორციელდება ამბროლაურის მუნიციპალიტეტში ადგილობრივი თვითმმართველობისა და „ტურისტული ცენტრის“ სწორად წარმართული საქმიანობა რეკლამირებისა თუ ტურისტულად მნიშვნელოვანი ლოკაციების შესახებ ინფორმაციული პლატფორმის შექმნა განაპირობებს კიდევ რაჭისადმი ინტერესსა და ვიზიტორთა ნაკადის ზრდას. რაც „ტურისტული ცენტრიდან“ მოწოდებული სტატისტიკური მონაცემებიდანაც ნათლად ჩანს. 2016 წელს მუნიციპალიტეტის სტუმრობდა 1617 ვიზიტორი. 2017 წელს 2882. 2018 წელს 3482, ხოლო 2019 წელს 3313. შესაბამისად მუნიციპალიტეტში იმატა სასტუმროების, ჰოსტელებისა და დასაქმებულთა რიცხვმა. მართალია, ბოლო პერიოდის მიმე ეპიდემიოლოგიური სიტუაციის გამო „ტურისტულ ცენტრს“ უმეტესწილად უწევდა დისტანციურ რეჟიმში მუშაობა, მაგრამ ჩვენი ღონისძიებების მიზნით არ შეფერხებულა ოფიციალური ფეისბუქ გვერდის (inracha) განახლება, საფეხმავლო ბილიკების შემოვლა-მონიტორინგი, განმედიოთი, მარკირების განახლებისა და ახალი

ლოკაციების აღმოჩენის სამუშაოები. ტურიზმის ეროვნულ ადმინისტრაციასთან და ტურისტულ ცენტრებთან მუდმივი კომუნიკაციით, სხვადასხვა ორგანიზაციებთან და ტურისტული ცენტრებთან თანამშრომლობა ხელს უწყობს ტურისტულ სფეროში კონკურენტუნარიანი მომსახურების განვითარებას, დასაქმებულთა კვალიფიკაციის ამაღლებას, ონლაინ ტრენინგებში ჩართვას... „ამბროლაურის ტურისტულ ცენტრმა“ ორგანიზება გაუკეთა და მაღალი შეფასება მიიღო. საქართველოს ტურიზმის ეროვნული ადმინისტრაციისა და გერმანიის საერთაშორისო თანამშრომლობის საზოგადოებას (GN) შორის გაფორმებული შეთანხმების ფარგლებში, ონლაინ ტრენინგს – „ონლაინ გაყიდვები“.

ცენტრის თანამშრომლები მუდმივად სატელეფონო თუ ონლაინ კავშირზე გასცემენ ინფორმაციებს და კონსულტაციებს დაინტერესებულ პირებზე ქართულ და უცხოურ ენებზე, რამაც უზრუნველყო. ეპიდემიის მიუხედავად 2021 საანგარიშო წლის სეზონის ღირსეულად წარმართვა და მომსახურებოდა 4874 ვიზიტორს.

2022 წლის გაზაფხული ძალას იკრებს, ტურისტული სეზონიც იწყება, სამომავლო გეგმაც დამტკიცებულია. აღრიცხულია და ტურისტულ ცენტრის ბაზაში ფიქსირდება ქ. ამბროლაურში 4 სასტუმრო, 2 ჰოსტელი, და 34 საოჯახო სასტუმრო,

ხოლო მუნიციპალ იტეტის ტერიტორიაზე 3 სასტუმრო და 40 საოჯახო ტიპის სასტუმრო.

ტურისტული სეზონისათვის მზად ვართ, თუმცა არსებობს პრობლემები, რომელთა გადაჭრა კიდევ უფრო ეფექტურს გახდის ცენტრის საქმიანობას მთლიანად. სერიოზულ სიძნელეებს ქმნის მაღალი გამავლობის ტრანსპორტის არ ყოლა, ვიდრე რგოლების ვისაც გვჭირდება ფინანსები.

მართალია ტურისტები, ვიზიტორები, სხვადასხვა რანგის სტუმრები მაღალ შეფასებას აძლევენ რაჭულ სამხარეულოს, მაგრამ შენიშვნებს ვიღებთ მათ გან იმის გამო, რომ ქალაქში უნდა იყოს გართობის ერთი ადგილი მაინც. ვფიქრობთ, სწორი შენიშვნაა, რადგან ექსკურსიოდ ან თუ ლაშქრობიდან დაბრუნებულნი, საოჯახო სასტუმროებსა და ჰოსტელებში დასვენება-გართობის მიზნით გამართულ ვახშამზე მუსიკისა თუ ცეკვა-თამაშის ხმაურით წუხდება მოსახლეობა. შეიძლება ამ კუთხით შესაბამისი მომსახურებები ან თანამშრომლობით მართლაც გამოიძებნოს შესაფერისი ლოკაცია. თავის მხრივ „ტურისტული ცენტრი“ ყველაფერს აკეთებს და გააკეთებს იმისთვის, რომ ამბროლაურის მუნიციპალიტეტში და ზოგადად რაჭაში მყოფ ვიზიტორთ კვლავ გაუჩნდეთ განმეორებით სტუმრობის სურვილი, რაც კუთხის ცნობადობას კიდევ უფრო მეტად გაზრდის.



ამბროლაურის მუნიციპალიტეტში, წყლის რესურსების დაცვის საერთაშორისო დღესთან დაკავშირებით, დასუფთავების აქცია გაიმართა, რომელშიც აქტიურად ჩაერთვნენ. ამბროლაურის მუნიციპალიტეტის მერიის, საკრებულოსა და ა(ა)იპ-ების თანამშრომლები. მათ დასუფთავებს და მყარი ნარჩენებისაგან განმინდეს ქალაქ ამბროლაურში არსებული სკვერები, სპორტული მოედნები და ტურისტულად მიმზიდველი ადგილები.

დასუფთავების აქცია კამპანია „ლურჯი ნაკადული“-ს ფარგლებში, საქართველოს მსვანეთა მოძრაობა/დედამინის მეგობრების ინიციატივითა და ადგილობრივი თვითმმართველობის ორგანიზებით ჩატარდა.

## მეცნიერული მოსახლეობის სამსახური

რატომღაც საზოგადოების გარკვეულ ნაწილს ჰგონია, რომ წლების წინ ვეტლაბორატორიის გაუქმების შემდეგ ამბროლაურში მსგავსი პროფილის სამსახური არ არსებობს. არადა აქ. ამბროლაურში 2008 წლიდან ფუნქციონირებს აშშ თავდაცვის საფრთხის შემცირების სააგენტოს (DTBA) მხარდაჭერით, თანამედროვე სტანდარტების ტექნიკური ბაზით აღჭურვილი ბიოუსაბრთხობის მე-2 დონის ლაბორატორია, სადაც დანერგულია ASO 9001-2015 ხარისხის მართვის სისტემა და ემსახურება რეგიონის ოთხივე მუნიციპალ იტეტს (ამბროლაური, ონი, ცაგერი, ლენტეხი) ვეტლაბორატორიაში ხდება ნიმუშების მიღება, დამუშავება და კვლევა. კვალიფიციური სპეციალისტები **გია ომხერელი** (უფროსი), **გიორგი სუთიძე** და **დარეჯან სალარაძე** ახდენენ ცხოველთა და ფინველთა ინფექციური, არაინფექციური და ინვაზიური დაავადებების კვლევას. კერძოდ: **ბრუცელოზის, მასტიტის, ტრიქინელოზის**. ე.ი. ხორციელდება დაავადებების დიაგნოსტიკა: **პათოლოგიური ანატომია, სეროლოგია, მიკროსკოპია**. დატვირთული სამუშაო გრაფიკის მიუხედავად ლაბორატორიის გამოცდილი მუშაკები სისტემატურად მუშაობენ როგორც არსებული მეთოდების სრულყოფილებაზე, ისე ახლის დანერგვაზე. შედეგად 2019 წელს დაინერგა ბრუცელოზის ფლუროსენცენტული პოლარიზაციის ანალიზი (FFA) და 2021 წლიდან წყლის მიკრობიოლოგიური კვლევები. აღსანიშნავია ხაზგასმით ის ფაქტი, რომ ლაბორატორიას ყველა კვლევაზე გავლილი აქვს **აკრედიტაცია**. სტატისტიკით ლაბორატორიაში ნიმუშების შემოდინება ხდება **სურსათის ეროვნული სააგენტოდან, კერძო პირებისაგან** (ფერმერებისაგან) და **ბიზნეს ოპერატორებისაგან**. იშვიათად, მაგრამ აუცილებლობის შემთხვევაში შემდეგი კვლევისათვის ნიმუშების გადატანა ხდება ქუთაისისა და თბილისის ლაბორატორიებში. ასე, რომ ძვირფასო მკითხველო ვეტლაბორატორია (სოფლის მეურნეობის სამინისტროს) ფუნქციონირებს ამბროლაურში და კარგადაც. შემდეგ მისამართზე, ბრატისლავა რაჭის ქ. №2 (აღრე №13).

აღნიშნული სამსახური ალბათ იმსახურებს 50 მეტრიანი გზის მონერეგებას რაც დიდ თანხებს არ საჭიროებს. აქვე იმსაც დავეხებით რომ სჯობია ზოგიერთმა ყველაფრის მცოდნე „პროფესორმა“ გზის ამ მონაკვეთის მანქანით თუ ფეხით (სავად მყოფოსა თუ სასწრაფოში) გადაადგილებისას იკითხოს მაინც – ამ შენობაში რა სამსახური ფუნქციონირებს. თუ ვინმე „პროფესორებისაგან“ ამოიცინოს თავს და დაინტერესდება, შეუძლიათ მოაკითხონ რედაქციას. პასუხს აუცილებლად მიიღებენ.



საქართველოს ჩემპიონატზე **კუნგ-ფუ სანდაში** ამბროლაურის სასპორტო სკოლის KUDO-ს გუნდმა, რომელშიც შედიოდნენ: **ანა მომცილიძე, ლიზი ჩიტაძე, სალომე კილაონია, ლუკა და გუგა დარახველიძეები, ვასილ დვალაძე, ნიკოლოზ მურუსიძე, გიორგი დავითიანი, ლუკა ნასარიძე და ნიკა შერმაზანაშვილი** (მწვრთნელი დავით ღუშუაშვილი), ბრწყინვალედ იასპარეზა. მოპოვებულია 7 ოქრო, 3 ვერცხლი და გუნდური პირველი ადგილი.

ფულთავთ და გვეჯერა, კვლავაც არაერთხელ გაგვახარებენ.

## დავხვართ შვილს ვალდებულების შესრულებაში

მამის სსონის წინაშე ვალდებულება მაქვს – გაგვიცხადა **ნათია წულუკიძე** და დახმარება გვთხოვა მის ასრულებაში, რაც იმაში გამოიხატება, რომ სურს ალად გინოს ხის ის ჩუქურთმა, რომელიც ათეული წლების წინ ამშვენებდა მამა-პაპისეული სახლის აივანს სოფელ ხვანჭკარაში.

საქმე იმაშია რომ სახლიდან მოხსნილი ჩუქურთმები შემდეგ ამშვენებდა თურმე იმ შენობას, რომელიც იდგა ამბროლაურში დღევანდელი ეკლესიის ეზოში, სადაც ადრე კერძო მოზინად რეები ცხოვრობდნენ, შემდეგ გადაკეთ და პარტიის რაიკომის მდივნების საცხოვრებლად, ხოლო გასული საუკუნის 90-იან წლებში იქ ფუნქციონირებდა მამაჩის ბიურო.

როცა 8 წლის იყო მამინ გარდაიცვალა მამა – შაორის გეოლოგიური პარტიის ერთერთი ხელმძღვანელი პირი, **გიორგი წულუკიძე**, რომელიც

დღეს ბევრს ახსოვს ამბროლაურში და პატივისცემითაც მოიხსენიებენ. გეოლოგები პროფესიის შესაფერისები მარტო ცოდნით კი არ იყვნენ გამორჩეულები, არამედ ვაჟკაცობითაც, რაც თავისთავად გულისხმობს გამძლეობასაც, სამშობლოს უსაზღვრო სიყვარულსაც, სინდისსაც და ნამუსსაც.

8 წლის გოგონას მესხიერებას კარგად შემორჩა მამის გარდაცვალების შემდეგ ვინ როგორ მოექცა მის ცოლ-შვილს. ახსოვს ის ფინური კოტეჯი, შაორზე სადაც ცხოვრობდა ის მშობლებთან ერთად და ურთიერთობდა თანატოლებთან. ახლა ხელოვნებათ მცოდნეობის დოქტორი, ორი ნიგნის ავტორი, შემოქმედი ქალი ფოტოგრაფიითაც რომაა გატაცებული, სთხოვს გაზეთის მკითხველებს იქნებ საოჯახო ალბომში აღმოაჩნდეთ იმ სახლთან გადაღებული ფოტო, საიდანაც აიღებს ასლს

და აღადგენს მეუღლის ხელშეწყობით წლების წინ დაბრუნებულ წინაპართა ტერიტორიაზე აგებულ ხის მოჩუქურთმებულ აივანს იმ სახლზე, რომელსაც უკვე წლებია ზაფხულობით ახმარებენ მისი ვაჟები: **გიორგი, ნიკუშა და დანი გუგუციძეები** და რომელთა მოზრუნება-დაფუძნება ხვანჭკარალებსაც ძალიან ახარებთ.

დავეხმაროთ ძვირფასო მკითხველო 39 წლის შემდეგ ნათია წულუკიძეს მამის სსონის წინაშე აღებული ვალდებულების შესრულებაში. გადაათვალიერეთ ფოტო ალბომები, იქნებ ვინმეს ცაცხვის ქვეშ გადაღებულ ფოტოებზე აღმოჩნდეს ობიექტივში მოხვედრილი ხის სახლი. მაშინდელ ახალგაზრდებს უყვარდათ ისტორიულ ცაცხვის და ბიბლიოთეკის მიმდებარე ტერიტორიაზე ყოფნა, ყაზარასა და სიმონიკას ობიექტივის წინ ფოტოების გადაღებაც. ნუ დაიზარებთ და შემოგვხიანეთ.

## იანის მოსახეი სპორტსაენი

**ანი მეტონიძე** სადმელის საჯარო სკოლის მე-7 კლასის მოსწავლეა და უკვე სერიოზულ განაცხადს აკეთებს სპორტის ისეთ მიმზიდველ სახეობაში, როგორცაა მაგიდის ჩოგბურთი. ის თანატოლებს შორის მიმდინარე შიდა თუ ღია ჩემპიონატების მრავალგზის პრიზორია.

გასული წლის შემოდგომაზე წყალტუბოში გამართულ საერთაშორისო ტურნირზე, რომელშიც მონაწილეობას იღებდა საქართველოს 12 და მეზობელი ქვეყნების 3 გუნდი, მან დაიკავა მე-3 ადგილი. ანი საქართველოს ნაკრების წევრიცაა და თავის ასაკობრივ ჯგუფშიც მესამე პოზიციაზეა.

ამჟამად თავის პედაგოგ-მწვრთნელ გია თომაცხთან ერთად ემზადება იმ ტურნირებისათვის, რომლებიც სტარტს აპრილიდან აიღებს. იმედია, ანი გაახარებს თავის მიღწევებით იმ ამბროლაურელ გულშემატკივრებს, რომლებსაც დიდი სურვილი აქვთ მოჭიდავეებისა და კარატისტების მსგავსად მუნიციპალიტეტს ჰყავდეს გამარჯვებულები სპორტის სხვადასხვა სახეობებშიც, მითუმეტეს მაგიდის ჩოგბურთში.